



# O'ZBEKISTON OVOZI

2011-yil, 4-avgust. Payshanba 92 (31.368) Ijtimoiy-siyosiy gazeta 1918-yil 21-iyundan chiqa boshlagan www.uzbekistonovozi.uz

## Буюк ва муқаддассан, мустақил Ватан!



Август — ҳосилга ҳосил қўшиш зарбдор оий

### Ғўза парваришида долзарб палла

Пахтакорларимиз учун энг масъулиятли палла бошланди. Уларнинг шу кунлардаги меҳнати бўлғуси ҳосил салмоғини, хирмоннинг баракасини янада оширади. Айни вақтда агротехник тадбирларни сифатли ва пишиқ-пухта ўтказилиши муҳим аҳамиятга эга.

Август ойида барча ишларни уйғунлаштирган ҳолда агротехник тадбирларни ўз вақтида амалга ошириш эртанги мўл ҳосил гаровидир. Бу паллада ҳар бир нов-дадаги кўсақлар сони 4-5 тага кўпаяди. Бу эса ҳар гектардан қўшимча 10-12 центнер ҳосил демакдир.

Ўзбекистон Қишлоқ ва сув хўжалиги вазирлигидан маълум қилишларича, ҳозир пахтакорларимиз сугориш, культивация, чилпиш тадбирларини амалга оширмоқда. Бунинг учун зарур бўлган барча ресурслар мавжуд, шароитлар яратилган.

Энг муҳим агротехник тадбирлардан бири — чеканка тўлиқ ба-жарилиди. Қорақалпоғистон Республикаси ва барча вилоятларда сугориш ишлари бошлаб юборилди.

— Бу пайтда ғўзани сугориш унинг кўсагига вазн, толасига сифат қўшади, — дейди Ўзбекистон Қишлоқ ва сув хўжалиги вазирлигининг пахтачилик ва техник экинларни ривожлантириш бошқармаси бошлиғи ўринбосари Абдурахмат Муборақов. — Шу боис сугоришни ўз вақтида ва сифатли амалга ошириш талаб этилади. Бундай тадбирнинг жуда эрта ёки кеч бажарилиши ҳосилнинг камайишига олиб келиши мумкин. Сугоришни тупроқнинг механик таркиби, сизот сувининг сатҳи, ўсимлик ҳолати, навларнинг биологик хусусиятига қараб табақалаш, айниқса, мақсадга мувофиқдир.

Баравж ўсаётган ғўза майдонларининг ҳар гектарини 5 тонна атрофида маҳаллий ўғит билан сугориш самарадорлиқни янада оширади. Шарбат, гўн ёки компостлар ғўзага озука бериш билан бирга сувнинг буғланишини камайтириб, унинг тупроққа син-

гишини яхшилайдди, намликни сақлайди. Минерал ўғитларнинг ўсимликлар томонидан ўзлаштирилишини ошириб, ривожини тезлаштиради. Ҳаво ҳарорати юқори бўлган шу кунларда бундай тадбирнинг вақтида, сифатли ўтказишнинг аҳамияти жуда катта. Омил-кор деҳқонларимиз буни яхши биладилар.

Шу маънода қайси фермернинг қанча хирмон уюшини унинг пайкал бошига чиқарган биоўғити ва уни жўяқларга нечоғли усталик билан окизаётганидан ҳам чамалаш мумкин. Шарбат тайёрлаш учун ҳар 3-4 гектар майдонда узунлиги 4, эни 3, чуқурлиги эса 1 метр ўлчовда хандак қазилиб, сугоришдан бир hafta олдин сув билан гўн тенг миқдорда ара-лаштирилиб, компост тайёрлаб қўйилади.

— Кўп йиллик тажрибамиздан биламики, ҳосилдорлиқнинг юқори бўлишида сугоришдан кейин бажариладиган культивация тадбирлари муҳим аҳамиятга эга, — дейди Тошкент вилояти Бўка туманидаги «Азизова Шоҳида» фермер хўжалиги раҳбари Шоҳида Азизова. — Культиваторларни эгатларга киритишдан аввал, киррали қисмларни махсус мосламалар, трактор гилдиракларини тўсиқлар билан жиҳозлаймиз. Бундай тадбирлар ғўзаларимизнинг баравж ривожланишига, ҳосилга ҳосил қўшилишига хизмат қилади.

Мустақиллигимизнинг 20 йиллиги нишонланадиган йилда ҳар доимгидан кўра кўпроқ ҳосил кўтаришни мўлжаллаётган пахтакорларимиз кунни тунга улаб меҳнат қилмоқда, ҳар туп ғўзага меҳрини бериб парваришлamoқда.

Сайёра ШОЕВА, ЎзА муҳбири.

ЎзХДП маҳаллий кенгашларида



Владимир ГОНЧАРЕНКО олган суратлар.

### Партия ташкилотлари ва депутатлик гуруҳлари

ўз зиммасидаги вазифаларни изчил ва қатъий бажариши зарур

Давлатимиз раҳбари томонидан илгари сурилган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида Вазирлар Маҳкамаси ўз фаолиятида Ўзбекистон Республикаси Олий Мажлиси олдида жавобгар эканлиги таъкидланган. Шу асосда «Демократик бозор ислохотларини янада чуқурлаштириш ва иқтисодиётни либераллаштириш борасида ҳукумат томонидан амалга оширилаётган чора-тадбирлар дастури, шунингдек, «Кичик бизнес ва хусусий тадбиркорлик йили» Давлат дастури ижросининг бориши тўғрисида» Бош вазир парламент олдида ҳисобот берди.

Олий Мажлис Қонунчилик палатаси ва Сенати ушбу ҳисобот ҳақида кўшма қарор қабул қилди. Унда белгиланган вазифалар ижроси таъминланиши партияимиз ташкилотлари ва маҳаллий Кенгашлардаги депутатлик гуруҳлари зиммасига жиддий масъулият юклайди. Шу боис, партия ташкилотлари ва депутатлик гуруҳлари бевосита электорат манфаатлари билан боғлиқ масалаларда ўз вазифаларини аниқ белгилаб олиши зарур.

ЎзХДП Марказий Кенгаши ва Тошкент шаҳар кенгаши ҳамкорликда ташкил қилган йиғилишда мазкур масала муҳокама этилди.

(Давоми 2-бетда.)

2011 йилда иш ўринлари ташкил этиш ва аҳоли бандлигини таъминлаш дастурини минтақаларда ба-жариш, шунингдек, касб-ҳунар кол-лежлари битирувчиларини ишга жойлаштириш қандай бораётганлигини мониторинг қилиб бориш партия ташкилотлари ва депутатлик гуруҳларининг муҳим вазифаларидан ҳисобланади.

Анжуман

«Ўзсаноатқурилишбанк»:

### Иқтисодий барқарорлик омили

Кеча «Ўзсаноатқурилишбанк» ОАТБ биносида «Иқтисодиётнинг реал секторини ривожлантиришда банкларнинг роли» мавзусида матбуот анжумани бўлиб ўтди. Унда Ўзбекистон Республикаси Марказий банки, «Ўзсаноатқурилишбанк» ОАТБ ва оммавий ахборот воситалари вакиллари иштирок этишди.

Анжуманда таъкидланганидек, «Ўзсаноатқурилишбанк» мамлакатимиз молия бозорини етакчилар қаторига қўшилди. Мазкур молия муассасаси ўзининг мамлакатимиз бўйлаб 43 та филиали, 92 та минибанки, 168 та жамғарма касасаси, 150 га яқин махсус касса ва шохобчалари орқали 1 миллиондан зиёд мижозга салкам 60 турдаги аънанавий ва замонавий банк хизматлари кўрсатаётгани унинг иқтисодий салоҳиятидан дарақдир.

«Ўзсаноатқурилишбанк» нуфузли халқаро рейтинг агентликлари томонидан эътироф этилаётгани қувончли воқеадир. Гап шундаки, бир йилнинг ўзида жаҳоннинг икки энг нуфузли — «Fitch Ratings» ва «Standart & Poor's» халқаро рейтинг агентликлари «Ўзсаноатқурилишбанк» фаолиятини ижобий баҳолаб, уни ишончли ва барқарор молия муассасаси, деб эълон қилди.

Маълумотларга қараганда, банк томонидан инвестициявий лойиҳаларни молиялаштириш мақсадида шу йилнинг 1 июль ҳолатига 260 миллиард сўмлик кредит қўйилмалари ажратилган. Минглаб иш ўринлари яратилди. Йил бошидан буён эса жами 5,9 миллиард сўмлик махсулот ишлаб чиқарилди. Мазкур махсулотларнинг маълум қисми хорижга ҳам экспорт қилинди.

Ўзaro мулоқот руҳида бўлиб ўтган матбуот анжуманида банк мутахассислари оммавий ахборот воситалари вакиллари-нинг барча саволларига жавоб беришди.

Шоҳайдор МИРҲАБИБОВ, Мирбахтиёр МИРҲАЙИЕВ, «Ўзбекистон овози» муҳбирлари.

### Илоҳий куй, кўҳна оҳанг

«Шарқ тароналари»нинг қадим маданий анъаналарга ҳамоҳанглиги ҳақида



XVI-XVII асрларда яшаб, ижод этган Дарвеш Али «Рисолаи мусиқий» асарида ёзишча, Ўрта Осиё ва Хуросон халқлари милoddан олдин ҳам мусиқкага ихлос қўйишган. Муаллиф чанг, барбат, қонун, уд, ғижжак, қўбуз ва най каби чолғу асбобларининг келиб чиқиш тарихини батафсил ҳикоя қилади, ўша даврдаги созанда ва бастакорларни номма-ном санаб ўтади. Навоий даврида, ундан кейин Бобур салтанати замонида ҳам санъат ва адабиёт даргоҳига қадам қўйган киши котиблик, нотиклик, ҳамда тасвирий санъат сирларини билиши билан бирга, мусиқа назариясини ҳам эгаллаган бўлиши, бир ёки бир неча мусиқа асбобларида куй чалиб кўрсатиши талаб этилган.

⇒ 3

### КОНЦЕПЦИЯ:

### Фуқаролик жамияти институтлари


фуқаролар ҳуқуқ ва эркинликлари таъминланишининг муҳим омилидир ⇒ 2

Эртанги кун бизники, марра бизники!

### Ўзбекистон — ёшлар мамлакати → 4

«ЎЗБЕКISTON OVOZI» — ХИЛМА-ХИЛ ФИКРЛАР МИНБАРИ, СИЗНИНГ МИНБАРИНГИЗ!

Обуна индекси — 220



O'zbekiston havo yo'llari



Хизматлар лицензияланган





